

皇  
明  
典  
禮  
志

皇明典禮志卷之三

江夏 郭正域 撰

大宴儀

謹身殿宴儀洪武元年九月定正旦錫宴儀奉天殿朝賀畢鑄宴謹身殿拱衛司設黃麾仗及擎執如朝儀內使監宣徽院陳御座設

皇太子座于御座東西陪諸王座以次南東西相向殿內左右設三品以上官座東西廡下設四品至九品座和聲郎于殿南楹陳大樂細樂及諸舞隊宣徽院設御酒尊于殿南楹司壺二人尚酒尚食

二人設

皇太子親王文武三司以上官酒尊于殿門左右。  
皇太子親王司壺東西各一人奉酒奉食東西各二  
人文武官每行四人東西廡各間置酒尊司壺一  
人供酒供食二人宣徽院陳御食案及

皇太子親王食案于殿中文武官食案于左右東西  
廡官各設于位前將宴文武百官常服侍立殿門  
左右引進導

皇太子親王常服侍立殿內左右。

皇帝常服陞御座鼓吹振作鶴韻樂止。

皇太子親王各就座位。丞相率禮部尚書宣徽院使舉御食案。詣御前侍郎宣徽同知。舉食案。詣皇太子親王前丞相以壽花進御。禮部工部尚書以

壽花分詣

皇太子諸王諸執事以壽花分詣文武百官。內使監令御前行酒。次司壺于

皇太子親王及文武百官各行酒。細樂作。和聲郎北面立。舉手呼上酒。飲畢。樂止。內使監令于御前進食。供食者各供食。大樂作。和聲郎北舉手呼上食。食畢。樂止。凡酒七行。進食五次。上酒上食。樂作止。

並如上儀。惟酒五行及七行雜呈諸隊儀。宴畢。

皇帝興大樂作。

皇太子親王還宮。樂止。文武官以次出。凡冬至聖節朝會宴享。皆如上儀。

奉天殿宴儀。洪武二十六年六月重定大宴禮。是日尚寶司設御座于奉天殿。錦衣衛設黃麾于殿外之東西。金吾等衛設護衛官二十四于殿東西。教坊司設奏樂歌于殿內。設大樂于殿外。立三舞雜隊于殿下。光祿司官設酒亭于御座下西膳亭于御座下東珍羞醯醢亭于酒膳亭之東西。設御

筵于御座東西設羣臣四品以上位于殿內酒尊  
食案于殿外設五品以下位案于東西廊司壇尚  
食各供事羣臣于殿外東西相向立儀禮司請陞  
座駕輿大樂作陞座鳴鞭樂止鳴鼓等文武官四  
品以上由東西門入至殿中北向立五品以下官  
于丹墀北向立樂作贊四拜樂止光祿寺官進御  
筵大樂作捧案至御前案止進花樂作光祿寺官  
開爵注酒詣御前進第一爵酒教坊司一奏炎精  
之曲樂作贊内外官皆跪教坊司跪奏進酒飲畢  
贊衆官俯伏興樂作四拜樂止贊各就位序班進

羣臣率散花樂作序班進羣臣盡第二爵酒奏皇風之曲樂作光祿寺官酌酒御前序班酌羣臣酒皇帝舉酒羣臣亦舉酒樂止進湯鼓吹響節前導至殿外鼓吹止殿上樂作羣臣起立光祿司官進湯御前羣臣復坐序班供羣臣湯樂止樂作

皇帝舉筋羣臣亦舉筋贊饌成樂止武舞入奏平定天下之舞舞畢出第三爵酒奏眷皇明之曲樂作進酒如初樂止奏撫安四夷之舞舞畢出第四爵酒奏天道傳之曲樂作進湯如初食畢奏車書會同之舞舞畢出第五爵酒奏振皇綱之曲進酒如

初飲畢。奏百戲。呈應舞畢。出第六爵酒。奏金陵之曲。進酒。進湯如初。奏八蠻獻寶。舞畢。出第七爵酒。奏長楊之曲。進酒如初。奏採蓮隊子。畢。出第八爵酒。奏芳醴之曲。進酒。進湯如初。奏魚躍于淵。出第九爵酒。奏駕六龍之曲。進酒如初。飲訖。光祿司官收御爵序。班收羣臣盞。進湯。進大膳。大樂作。羣臣起立。進訖。復坐。序班供羣臣飯食訖。贊膳成樂止。微膳。奏百花隊舞。畢出。鳴贊。贊微案。序班微羣臣案。光祿司官微御案。贊宴成。羣臣皆出。北向立。序班微羣臣座。殿外官皆詣丹墀。北向立。贊拜。樂作。

四拜樂止。羣臣分東西立。儀禮司奏禮畢。駕興。大樂作。鳴鞭。百官以次出。其中宴禮如前。但進酒七爵。其常宴如中宴。但百官一拜三叩首。進酒或三或五而止。凡文武官四品以上俱陞殿侍坐。五品以下俱丹墀內坐。東西各以其秩。其賜殿坐者。不以秩如宴奉天門則四品以上官坐門上。五品以下坐丹墀。越位誼譁者。御史劾之。

續定大宴儀

是日陳設如前儀。駕自右順門至奉天門丹陛。大樂作。陞座。鴻臚寺官贊拜。百官四拜。樂止。光祿

寺官進御筵。內官捧案進膳。樂作。設案畢。樂止。內官進花。進膳。樂作。教坊司跪奏。一奏上萬壽之曲。侑食。樂作。內官捧爵至鴻臚寺贊跪。文武百官皆跪。進酒。鴻臚寺官贊俯伏興。樂止。贊各就位。百官就位。簪花訖。教坊司跪奏平定天下之舞。舞畢。出奏仰天恩之曲。樂作。內官捧爵至進酒。樂止。殿外導湯樂作。至殿內。迎湯樂作。內官捧湯。進湯樂作。鴻臚寺官贊饌成。樂止。奏黃童白叟鼓腹謳歌。承應舞畢。奏撫安四夷之舞。舞畢。奏感地德之曲。樂作。進酒。樂止。教坊司奏車書會同之舞。舞畢。奏民

樂生之曲。樂作。進酒。樂止。殿外導湯。樂作。至殿內。  
迎湯。樂作。內官捧湯。進湯。樂作。鴻臚寺官贊饌成。  
樂止。奏表正萬邦之舞。舞畢。奏感皇恩之曲。樂作。  
進酒。樂止。殿外導湯膳。樂作。至殿內。迎湯膳。樂作。  
內官捧湯膳。進膳。樂作。鴻臚寺官贊饌成。內官徹。  
湯膳。并御筵。樂止。奏天命有德之舞。舞畢。奏纓鞭。  
得勝。蠻夷隊舞。承應畢。教坊司更進致詔。鴻臚寺  
官焚香拜典。樂止。禮畢。

凡萬壽聖節。九夷進寶。壽星隊舞。冬至節。百花  
朝聖。歲聖節。正旦節。勝貳。採蓮。萬國來朝。

隊舞。太祀慶成纓鞭得勝。蠻夷朝聖隊舞。

凡正旦冬至萬壽聖節洪武永樂間大宴如慶成儀宣德正統間朝官不與者給賜節錢鈔錠進表官亦令與宴免宴則遁賜節錢。

凡立春元宵四月八日端陽臘八日永樂間俱于奉天門賜百官宴用樂其後賜宴日早朝畢光祿寺面奏百官入班行禮。

駕還宮百官出宴于午門外不用樂宴畢復向闕行禮退。

凡立春日春餅正月元宵圓子四月八日不落筭。

五月端午涼糕糉。九月重陽糕臘月八日麩。俱先期奏請。至日早朝畢。復奏設于午門外。以官品序座。嘉靖十四年改不落簾爲麥餅。

凡

皇太后聖旦。正統四年賜百官宴于午門。

凡東宮千秋節。永樂間賜府部堂上。左右春坊。科道。近侍錦衣衛隨。

駕帶刀指揮。千戶等官。及天下進簾官。宴于文華殿。并文華門東西廊。王府進簾官。并外國使臣宴于禮部。宣德以後通宴于午門外。

凡祀圜丘賜百官湯飯。孟夏祈穀。夏至方澤。及日夕月。祭畢賜内外官酒飯。耕籍賜三公九卿。并執事官酒飯。親蠶賜内外命婦酒飯。

進士恩榮安殿試讀卷執事等官經筵日講東宮講讀俱賜酒飯。

凡早朝文武官及

王府鎮巡等官公差與酒飯。

凡纂修校勘書籍館前一日賜宴于禮部。書成亦賜宴于禮部。

閣臣九年滿考賜宴于禮部。九卿侍宴。

永樂元年四月禮部以萬壽聖節宴百官位次進呈上命駙馬儀賓及隨侍各王來朝官宴于三公府四品以上文武官諸學士及在京僧道官大興龍寺住持侍宴奉天殿京堂六品以上官近侍官修史官宴于中左門在外進表官四夷朝貢土官宴于中右門餘文武宴于丹墀內

宣德四年九月壬子重陽節賜文武羣臣宴既又特賜英國公張輔及文武三品以上及學士宴加賜御製詩一章有啓弼予之語命中官宣諭皆醉歸

弘治十三年正庚申光祿寺以慶成宴多失儀禮部議與宴百官槩自收饌殊非

祖宗優禮之意且于古使人歸俎之禮不合宜令辦事人役代收其殿內者亦令厨人代收俱用印信名送午門內外官軍収入

宴命婦儀

洪武元年九月定宴會命婦儀坤寧宮朝賀畢內使監官陳御座及丹陛左右儀仗如朝儀于御座西設貴妃等六妃位東南設皇太子妃王妃公主位稍南于殿南左右第一行設一品外命婦座二行

三行四行設二品三品四品外命婦座。北上東西廡下設四品以下外命婦座。設女樂于殿南檻陳大樂細樂及諸舞隊。設御酒樽于殿南楹正中。司壺二人。尚酒尚食二人。設皇妃酒樽于西。司壺二人奉酒奉食二人。皇太子妃王妃公主酒樽于東司壺二人奉酒奉食二人。設外命婦酒樽于殿門左右。及東西兩廡殿上左右行每一司壺二人奉酒奉食二人。東西廡各有司壺供酒供食人。陳御食案于殿中。皇妃六位食案于殿上西。皇太子妃公主食案于殿上東。外命婦食案東西廡。命婦食

案設于本位司賓導大小命婦服常服侍立殿門外

皇后常服皇妃皇太子妃公主常服隨出閣仗動樂作陞御座樂止皇妃皇太子妃王妃公主入就位大小命婦各立于座位後丞相夫人率命婦等舉御食案丞相夫人捧壽花二品外命婦各舉食案于皇妃皇太子妃王妃公主大小命婦各就坐位奉御及諸執事人分進壽花于殿內及東西廡司壺于御前酌酒及皇妃皇太子妃王妃公主前進酒內外命婦前各供酒樂作女樂北面立舉手呼

上酒飲畢樂止東西廡大小命婦前司壺各酌酒  
如儀奉御座前尚食供食者于皇妃皇太子妃王  
妃公主前及外命婦前各供食樂作女樂北面舉  
手呼上食食畢樂止東西廡大小命婦前供食者  
各供食如儀凡酒七行間進食五次上酒上食樂  
作樂止並如儀

皇后興樂作侍從導引還宮樂止司賓引大小命婦  
以次出

東宮宴禮

一正旦冬至內官設

皇太子座于文華殿錦衣衛設儀仗教坊司設大樂  
如常儀光祿寺設進膳所并膳案及設詹事府春  
坊官食直于殿外鴻臚寺官請

皇太子陞座鳴賛賛班衆官北向立樂作賛兩拜興  
樂止光祿寺官舉案至

皇太子前進花樂作進訖樂止光祿寺官行酒詣  
皇太子前進第一爵教坊司奏喜千春之曲樂作賛  
各官跪飲畢賛依伏興樂止各就位散花第二爵  
酒奏永南山之曲樂作光祿寺官行酒

皇太子前序班行各官酒

皇太子舉酒各官飲訖樂止光祿寺官進湯樂作各  
官起立復坐序班供湯樂止樂作贊饌成樂止第  
三爵酒奏桂枝香之曲樂作進酒如初樂止第四  
爵酒奏初春曉之曲樂作進酒進湯如初樂止第  
五爵酒奏乾坤泰道開之曲樂作進酒進湯如初樂止  
第七爵酒奏泰道開之曲樂作進酒如初飲畢樂  
止光祿寺官微爵序班微各官盞進湯進膳樂作  
各官起立復坐序班供飯贊膳成樂止光祿寺官  
微膳教坊司承應贊微案光祿寺官微  
皇太子案贊宴成各官出席北向立樂作兩拜興樂

止禮畢。

皇太子駕與樂作各官以次退。

宴蕃王禮

洪武二年九月定宴蕃王禮。蕃王朝畢，錫宴謹身殿內使監設御座。

皇太子座于御座東，諸王座于左右，以次南。蕃王座于殿西第一行，東向。次第二行設文武一品座。第三行一品三品東西相向。蕃王從官文武四品官序坐于西廡和聲郎陳大樂細樂舞隊于殿南楹。光祿寺設御酒尊殿中之南。

皇太子諸王蕃王至二品官酒等于殿門。舍人導文武官常服侍立于殿門左右。導蕃王服其國服侍立于百官北。

皇太子諸王常服侍立殿內。

皇帝常服陞座。大樂鼓吹振作。鳴鞭樂止。

皇太子諸王各就座。禮部官承旨導蕃王入就座。丞相光祿卿舉御食案。禮部侍郎光祿少卿舉食案于

皇太子諸王。禮部郎中光祿寺丞舉食案于蕃王。文武官及蕃王從官各就座。內使監令酌御酒。司壺

于

皇太子諸王以下酌酒細樂作奏太清之曲和聲郎  
北面立舉手奏上酒

皇帝舉爵飲

皇太子以下皆飲樂止酒再行細樂作奏感皇恩之  
曲樂止進食大樂作和聲郎奏上食樂止酒三行  
細樂作奏賀聖朝之曲飲畢樂止進食奏大樂食  
畢樂止凡五進食皆如之酒四行細樂作奏普天  
樂之曲飲畢樂止進食酒五行細樂作奏諸國來  
朝之舞飲畢舞樂止進食酒六行細樂作奏朝天

子之曲飲畢樂止進食酒七行細樂作奏醉太平之曲舞長生隊之舞飲畢樂舞止進食宴畢皇帝興樂作

皇太子諸王還宮樂止蕃王文武以次出

東宮宴蕃王

洪武二年九月東宮擇日宴蕃王

皇太子座于殿上正中諸王座東西相向以次南蕃王坐于西偏諸王之下東向三師賓客諭德位于殿上第二行東西向蕃王從官及東宮官位于西廡下東向北上和聲郎陳樂光祿寺官設酒及食

案俱如謹身殿錫宴儀禮部侍郎光祿少卿舉全  
案于

皇太子前禮部郎中光祿寺丞舉食案于諸王及蕃  
王前三師以下各就座酒七行食五品皆如之唯  
酒五行七行雜呈諸隊舞

丞相宴蕃王

洪武二年九月中書請旨宴勞前期有司設蕃王及  
省官座于後堂賓西王東設酒食案于堂中蕃王  
從官及左右司官坐于左司坐次酒食案如堂中  
教坊司陳樂于堂及左司南楹至日都堂遣官詣

會同館請蕃王至省門外省官迎之左右司官蕃王從官各從其後賓西主東至席各就座舉食訖執事者酌酒細樂作飲畢樂止酒再行進食大樂作食畢樂止凡酒七行食五品俱如之惟酒五行七行雜陳諸戲宴畢出省官送至門外都督府宴如之各衛官屬戎服盛陳兵仗于門外內蕃王從官宴于經歷司御史臺無兵衛

宴蕃使

洪武二年九月定宴蕃使禮蕃使朝畢禮部奉旨錫宴于會同館館人設坐次于館中御酒案于正中

膳部主客令執事設酒案食案于廳南楹教坊司  
設樂舞是日禮部官陳龍亭于午門外光祿寺宮  
請旨取御酒置龍亭儀仗鼓樂前導至館蕃使出  
迎于門外執事者捧酒及奉旨官由中道入使者  
西階升立于廳之西隅執事者置酒于案奉旨官  
立于案東稱有制使者望闕跪聽宣畢贊拜使者  
再拜奉旨官酌酒授使者俱北面跪飲畢使者又  
再拜各就座執事者進食案酒七行作細樂湯五  
品作大樂酒五行七行陳雜戲宴畢奉旨官出使  
者送至館門外擇日

皇太子錫宴。次中書省宴于左司。及都督府御史臺俱宴于經歷司。如前禮從官儀。

論曰。宴有大宴。中宴。常宴。小宴。洪永間兩定禮少異。而禮半不同。嘉靖間有宮殿落成書成之宴。夫禮始諸飲食。在易君子飲食宴樂。大亨以養聖賢。鳬鶩旣醉。周之君臣。太和在宇宙間。

高皇大誥。首之君臣同遊。其在當時。與文武羣臣飲酒。豈樂發爲歌咏。翔洽治平。

列聖相傳。沿爲故事。蓋弘宣之際。於乎盛矣。

皇明典禮志卷之三終

皇明典禮志卷之四

江夏 郭正域 撰

上尊號

洪熙元年六月行在禮部上尊

皇太后儀注先期遣官祭告天地宗廟社稷暨

太宗皇帝几筵

大行皇帝几筵是日鳴鐘鼓百官具朝服內侍官于奉天門設冊寶綵輿香亭教坊司設中和韶樂及大樂設而不作內官設

皇太后寶座于宮中陳儀仗于丹陛及丹墀設冊寶

案于寶座前。又設香案于前。設

皇帝拜位于丹陛上。親王拜位于丹陛內。贊二人引禮二人。女樂于丹陛上。設而不作。至期。

皇帝具冕服。御奉天門。奉冊寶官。以冊寶置綵輿。內侍舉輿。

皇帝隨輿降階陞輶。百官于金水橋南北向立。輿至皆跪。過輿隨至思善門外。橋南北向立。

皇帝至思善門內。降輶。

皇太后陞座。輿至丹陛上。

皇帝由左門入。至陛右北向立。親王具冕服各就位。

奏四拜。百官皆四拜畢。奉冊寶。以冊寶由殿中門入立于左。

皇帝由殿左門入。至拜位跪。親王百官皆跪。搢圭奉冊官以冊進。

皇帝獻冊。執事官跪受置案左。奏進寶。奉寶官以寶進。

皇帝獻寶。執事官跪受置案右。奏出圭。奏宣冊。執事官跪宣讀。奏宣寶。執事官跪宣讀。奏俯伏興。復位。皇帝由左門出。至拜位。奏四拜。百官皆四拜。禮畢。駕輿。是日

皇帝奉

皇太后祗謁奉先殿及

太宗文皇帝几筵。

大行皇帝几筵如常儀禮畢于宮中服燕居冠陞座  
皇帝。

皇后。皇妃。親王。公主。及六尚等女官。行慶賀禮如儀。  
次日外命婦四品以上行進表箋禮如常儀。遣官  
告昊天上帝。后土。皇地祗。暨大社大稷之神。  
宣德以後儀同。

上徵號

天順元年十二月辛亥。

上問內閣臣李賢曰朕惟

母后恩深無以爲報朕南宮七年危疑之際實賴保  
護今定策禁中俾朕復位欲倣前代徽號少伸孝  
情何如。賢等擬號曰聖烈慈壽。

上從之。

二年正月己卯。

上率文武羣臣奉冊寶尊

皇太后爲聖烈慈壽

皇太后先期遣官祭告天地宗廟社稷是日鳴鐘鼓

百官具朝服

上御華蓋殿具冕服導駕官導

上至奉天殿奉冊寶官以冊寶置于案內侍舉案由殿中門出上隨至丹陛下奉冊寶官以冊寶置綵輿內

上陞輶隨輿至百官皆跪隨至文華門外候上至清寧門內降輶

皇太后陞座樂作綵輿由中門入至宮中丹陛上上由左門入至丹陛左北向立樂止

上至拜位皇太子親王各具冕服就位樂作四拜樂

止鴻臚寺贊百官皆四拜冊寶由中門入至  
皇太后前左立

上由左門入至拜位跪

皇太子親王皆跪進冊宣冊進寶宣寶出圭俯伏興  
復位樂作四拜樂止百官同四拜致詞官跪奏于  
上左曰嗣皇帝臣伏惟

皇太后陛下功德兼隆顯崇徽號永膺福壽率土同  
歡畢贊拜樂作四拜樂止百官同四拜奏禮畢駕  
輿是日謁告奉先殿如常儀受賀如常儀文武百  
官詣清寧宮前門外上表慶賀四拜司禮監官奉

表進四拜禮畢。次日命婦進表慶賀如常儀。致詞曰。某夫人妾某氏等恭惟

皇太后陛下。德同坤厚。允協徽稱。壽福無疆。輿情歡戴禮畢。次日

上御奉天殿。文武百官上表行慶賀禮畢。頒詔天下。  
如常儀

嘉靖元年二月禮部擬上

聖母昭聖慈壽皇太后。

皇嫂莊肅皇后。

壽安皇太后。

興獻皇尊號儀四宮同日恐

聖躬勞勦擬三月初十日行禮于仁壽宮十二日行

禮于清寧宮前後殿又

武廟服未闋

莊肅皇后請免朝賀

上從之

七年六月戊申勅諭禮部曰朕承天命入續

祖宗不基嗣統初

祖母壽安皇太后方萬福宜加上

太皇太后尊號當時禮官昧于正禮止加稱

皇太后朕亦不明于禮念此不安今宜追上爲太皇太后尊謚如故又仰思我

皇考罔極之恩雖追尊天子用天子禮樂而尊謚止于二字無異藩王今宜加數字以盡追慕聖母章聖太后誕育渺躬恩德深厚徽號太簡宜加二字以申愛敬具儀聞七月己卯上

壽安皇太后爲孝惠康肅溫仁懿順協天佑聖太皇太后追加

恭穆獻皇帝尊謚曰

恭睿淵仁寬穆純聖獻皇帝加聖母爲章聖慈壽皇

太后。

太后坐清寧宮。

皇上躬上冊寶如儀。躬詣奉先殿。奉慈殿。崇先殿。行謝禮如儀。

太后仍御宮服燕居服。

莊肅

皇后。

皇后。武廟皇妃。皇妃。公主。六尚等官。併宮人禮服八拜慶賀。百官宮門外上表。命婦進表。賀如儀。

十五年十一月

上諭禮部尚書夏言

兩宮皇太后未降徽稱朕心未安旣而閣臣復傳聖諭

兩宮徽號字數宜一體昭聖康惠慈壽皇太后先六字宜加二字

聖母章聖慈仁皇太后先四字宜加四字  
上曰兩宮行輩相等非姑婦也

皇伯父原

皇兄所上六字今似多卿等以爲並用八字如擬行  
于是閏十二月甲寅尊上昭聖恭安康惠慈壽皇

太后戊午上

章聖爲

章聖慈仁康靜貞壽皇太后。其謁謝暨慶賀俱如儀。  
論曰。尊號自洪熙始也。

天子奉

母后或

母妃爲皇太后。則上尊號徽號自天順始也。加稱二字。或四字爲徽號。其後

憲宗尊

錢太后爲慈懿

周太后爲聖慈仁壽

武宗尊

王太皇太后爲慈聖康壽

張太后爲慈壽

世宗尊

張太后爲昭聖康惠慈壽

祖母邵太后爲壽安興國太后爲章聖慈仁

皇嫂張后爲莊肅

今上尊廟

太后爲懿安康靜

李太后爲宣文明肅其儀略同。凡上徽號致詞而上  
尊號則進冊寶

皇明典禮志卷之四終

皇明典禮志卷之五

江夏 郭正域 撰

冊立皇后

洪武元年正月。命左相國李善長奉冊寶立妃馬氏爲皇后。定冊立。

皇后儀。先期奏告圜丘。方丘。宗廟。行一獻禮。先一日。內使監設御座于奉天殿。尚寶卿設御寶案。侍儀司設冊寶案于其南。冊用金二片。長一尺二寸。濶五寸。厚五分。紅繅聯貫。開闔如帙。蓋飾渾金。瀝粉蟠龍。冊文曰。天眷我家。啓運興王。出自衡門。奄有

四海爲君爲后可不慎歟。君以仁政慎于在位撫黎庶而統萬邦。后以懿德慎于治内。表六官而母天下。長久之道也。爾馬氏同勤勞于開創之時。由家成國內助良多。今以金冊金寶立爾爲

皇后。其敬乃職。耿光後世。於戲慎戒之。寶用金龜紐。方五寸九分。厚一十七分。篆曰。

皇后之寶。匣用渾金瀝粉蟠龍冊。東寶西。其旁設奉冊奉寶官位。設奉節官位于冊東。設掌節者位于其左。俱西向。設承制官位于其南。西向。又設使副位于橫御。南北向。東上。設承制官位于其北。西向。

設奉節官。奉冊奉寶官位于使副東北西向。又設使副受冊寶。褥位于受制位之北。北向。典儀二人位于丹陛上南。贊禮二人位于受制位北。知班二人位于贊禮南。文武百官侍立位于文武樓北。如朝儀。是日金吾衛陳甲士拱衛司陳儀仗和聲郎設樂位。禮部設龍亭儀仗。大樂于奉天門外正中。以俟質明。鼓初嚴。導駕官入迎次嚴。文武百官入引禮導使副朝服入三嚴。

皇帝服袞冕御輿以出。至奉天殿陛御座。禮部官奉冊寶置于案。奉節官。承制官。奉冊官。奉寶官。及掌

節者各入就殿上位西向立舉冊寶案四人立于後樂作四拜樂止承制官請發

皇后冊寶承制由中門出中陛降至宣制位曰有制使副跪承制官宣制曰冊妃某氏爲

皇后命卿等持節展禮俛伏興執事者舉冊寶案由中門出中陛降奉節官率掌節者前導至使副受冊寶褥位以案置于北掌節者脫節衣以節授奉節官奉節官以授冊使冊使以授掌節者掌節者跪受興立于冊使之左奉節官出笏退引禮導冊使詣受冊位奉冊官以冊授冊使冊使跪受置于

案退復位引禮導副使至受寶位奉寶官以授副使副使跪受置于案退復位樂作四拜樂止冊使隨冊副使隨寶掌節者前導舉案者次之樂作出奉天門樂止掌節者加節衣奉冊寶官以冊寶置龍亭中儀仗大樂導以行執節者前使副後至中宮門外初冊寶出侍儀奏禮畢

皇帝還宮文武官出前一日內使監官陳

皇后御座于中宮設香案于殿中設權置冊寶案于

前設

皇后受位于前北向設司言司寶二人位于

皇后位北設奉冊寶內官位于案南設讀冊寶內官位于又南東西向設內外命婦位于庭下左右又設尚儀二人位于

皇后拜位北司贊內官二人位于命婦北又設權置冊寶案于中宮門外設內使監令位于案東西向設奉冊奉寶內官位于內使監令左右稍退俱西向使副位于案南北向引禮二人位于使副前東西向掌節者于後其日所司設儀仗擎執樂工陳樂如常儀冊寶將至

皇后九龍四鳳冠緇衣出閣樂作至殿上南向立樂

止司言司寶立于後冊寶至引禮道使副及內  
監令俱就位。冊使告內使監令曰冊禮使臣某復  
副臣某奉制授

皇后冊寶內使監令人告

皇后出復位。內外命婦入冊使以冊授內使監令。內  
使監令以授內官。副使以寶授內使監令。內使監  
令以授內官。各復位以次入。各置子案冊東寶西。  
尚儀引

皇后降詣庭中位。立司言司寶各就位。內官以冊寶  
立于

皇后之東西向內使監令宣制奉冊內官以冊授讀冊內官讀訖以授內使監令內使監令以授

皇后

皇后跪受訖以授司言奉寶內官以寶授讀寶內官  
讀訖以授內使監令內使監令以授

皇后

皇后跪受訖以授司寶尚儀贊拜興樂作

皇后四拜興樂止內使監令出詣使副前曰

皇后授冊禮畢使副退詣奉天殿北面西上立給事  
中立于冊使東北西向使副再拜復命曰奉制冊

命

皇后禮畢又再拜給事中奏聞乃退初

皇后受冊寶訖尚儀導

皇后陞座引禮導內命婦一人居殿中賀位初行樂作至位樂止拜與樂作再拜與樂止跪致詞曰茲遇

皇后殿下膺受冊寶正位中官妾等不勝歡慶謹奉  
賀拜興樂作再拜興樂止退復位引禮又導外命  
婦一人入就殿上賀位如內命婦儀禮畢內外命  
婦出

皇后降座樂作還閣樂止百官上表箋稱賀。

皇帝御殿受賀丞相奉表平章奉箋遂行謁廟禮

皇后將謁

太廟

皇帝先遣官用牲牢行事告以

皇后將祇見之意如時享儀前期

皇后齋三日內外命婦及執事內官齋一日設

皇后拜位于廟門外又設拜位于廟中設內命婦陪  
妃位于廟庭南外命婦陪妃位于內命婦之南司

贊位于

皇后拜位之東西司賓位于內命婦之北東西向司  
香位于香案右盥洗位于階東司盥洗官位于其  
所其日清晨宿衛陳兵衛樂工備樂尚儀備儀仗  
及重翟車于中宮外門之外陪祀外命婦各具翟  
衣集于中宮內門之外內使監官奏中嚴

皇后服九龍四鳳冠襍衣尚儀奏外辦導

皇后出內宮門陞輿至外門之外降輿宿衛兵仗前  
導鼓吹設而不鳴次尚儀陳儀衛次外命婦次內  
命婦皆乘車前導次

皇后重翟車內使監扈從宿衛狼陳兵仗于後

皇后至廟內司賓導內外命婦先入侍立。

皇后降車。司贊導自左門入就位。北向立。命婦俱北向立。司贊司賓各贊拜。

皇后及內外命婦皆再拜興。司贊請詣盥洗位盥手帨手。由東陛陞至神位前北向立。司贊奏上香者三司香捧香于右。

皇后三上訖。導復位。司贊司賓各贊拜興。

皇后及內外命婦皆再拜興。司贊奏禮畢。

皇后出自廟之左門。司賓導內外命婦出。司贊奉陞

車

皇后陞車。內外命婦前導如來儀過廟鼓吹振作還至官之外門外降車陞輿至官之內門外降輿皇后入官。

皇帝會羣臣于謹身殿

皇后于中官會內外命婦其儀皆如正旦宴會之儀永樂初續定先期三日齋戒遣官祭告天地宗廟香幣酒脯行一獻禮前一日禮部鴻臚寺官設詔案于奉天殿中節冊寶案于詔案南節中冊東寶西設綵輿于丹陛東尚寶司設寶案教坊司設中和韶樂至日早錦衣衛官設鹵簿大駕內官設

皇后受冊位于宮中。及冊節寶案設香亭于前。設內贊二人引禮二人。設女樂于丹陛上。

上具皮弁服御華蓋。殿翰林院官以詔書用寶訖。鴻臚寺官請陞殿如常儀。正副使入。傳制曰洪武三十五年十一月十三日冊妃徐氏爲

皇后授冊寶。命卿等持節行禮。舉節冊寶案出。如洪武時儀。至右順門外。正副使北向立。內官捧節冊寶由正門入。女樂導迎節冊寶。

皇后由迎于宮門外。節冊寶至由正門入。

皇后隨至拜位。樂作四拜。樂止。贊宣冊贊跪宣冊女

官取冊立宣于

皇后之左贊受冊女官以授

皇后

皇后以授女官女官跪受于

皇后之右立于西贊受寶如受冊儀作四拜樂止禮畢內官持節由正門出

皇后出送于宮門外內官至右順門以節授正副使報禮畢正副使得報持復命翰林院官以詔書授禮部官禮部官奉詔書于承天門開讀

皇帝受冊畢內官先具謁告戶部官翰林院官具謁告

文。

上率

皇后具服詣奉先殿謁告如常儀謁畢。

皇后具服于內殿俟

上具皮弁服陞座贊引女官導詣

上前就拜位行謝恩禮樂作八拜樂止贊禮畢還官  
是日內官設

皇后座于宮中設諸親諸命婦拜位于丹墀內北向  
設儀仗女樂設內贊二人引禮二人導長公主公主  
及親王妃行八拜禮次引六尚等女官行禮如

之次引四品以上外命婦行凸拜禮跪致詞次日文武百官上表命婦上箋稱賀如儀天順八年增定親王子

上前慶賀次詣

兩宮皇太后慶賀次詣

皇后前八拜如儀

嘉靖十三年八月乙巳

上諭禮部曰朕承天眷嗣祖丕基坤宮不可無繼王母不可缺人相祀宗祧承繼慈極時已聞于聖母以德嬪方氏性資端慎名冠九良宜立爲

皇后。嫡嬪沈氏。稟姿淑敏。朕所特嘉。宜進封爲宸妃。  
麗嬪閻氏。曾協熊臺。宜有加恩。茲進封爲麗妃。便  
擇日具儀以聞。翌日禮臣具儀如故事。有謁告內  
殿儀無謁告。

太廟

世廟之禮。

上命會翰林院議。于是禮部上言天子立三宮。以共  
承宗廟之祀。在禮經有廟見之文。我

皇上天縱聖明。稽古正義。遵祖制見廟之儀。正內殿  
相沿之禮。甚盛典也。臣等謹考據禮經。叅稽集禮。

槩括節文以上前期太常寺奏

皇帝齋三日尚儀奏

皇后及妃各齋三日內外諸執事各齋一日太常光  
祿官奏牲如儀所司陳設如時祫儀是日質明  
錦衣衛備儀衛如儀內使監設

皇帝

皇后及妃肩輿于各宮受冊禮畢錦衣衛進輶于奉  
天門尚儀備

皇后及妃翟車于輶後以序內使監奏中嚴外辦各  
陞輿出官至奉天門錦衣衛官請陞輶

皇帝降輿陞輶。尚儀請陞車。

皇后妃各降輿陞車。內外儀仗從內執事女官遙以  
幃幕從行。至太廟大門西。請降輶。

皇帝降輶。請降車。

后妃各降車。障以龍幃。

皇帝入。

后妃從至後寢。先是命官奉。

七廟主陞神座退。至是

皇帝奉

太祖高皇帝主。

皇后奉孝慈高皇后主出陞神座。典儀贊就位。各司其事。內贊贊就位。

皇帝

后妃各就拜位。典儀贊迎神樂作。內贊贊跪。指圭上香。

皇帝跪。指圭。司香官跪奉香于

帝左。

皇帝上香。出圭復位。樂止。

皇帝后妃各四拜。典儀贊奠帛。行初獻禮。樂作。內贊贊指圭。

皇帝持圭捧帛官以帛跪進于

帝右。

皇帝奠帛贊獻爵執爵官以爵跪進于

帝右。

皇帝受爵獻于

太祖出圭贊持圭

皇帝持圭贊獻爵執爵官以爵跪進于

帝左。

皇帝受爵獻于

高皇后出圭復位時各廟奉主官各上香各奠帛各

獻爵訖退贊跪贊讀祝樂止

皇帝

后妃皆跪讀祝官跪讀樂復作俯伏興樂止典儀贊行亞獻禮樂作司贊女官贊搢圭

皇帝搢圭贊獻爵女官以爵跪進于

后右

皇后以爵獻于太祖贊出圭贊搢圭

皇后搢圭贊獻爵女官以爵跪進于

后左

皇后以爵獻于

高皇后出圭贊復位各廟捧主官各獻爵訖樂止典儀贊行終獻禮樂作女官啓稽圭宸妃等妃各稽圭啓獻爵妃一人獻帝王一人獻后主儀如亞獻樂止太常卿進立于東西向贊賜福胙光祿官奉父如常儀內贊贊跪稽圭

皇帝跪稽圭奏飲福酒奏受胙奏出圭如常儀。

皇帝

后妃皆四拜訖微饌樂作微訖樂止太常卿奏禮畢

樂作內贊贊四拜

皇帝

后妃皆四拜。禁止退立于東。讀祝官捧祝道帛。官服  
自各諸僚位。

皇帝奉大祖神主

皇后奉

高皇后神主。各廟奉主官各奉主納于櫃。

皇帝

后妃各陞輿至

世廟行禮同。禮畢。陞輶。陞車。樂坊司奏敬祖宗之曲。

大樂鼓吹振作。還宮解嚴。

隆慶元年增定。命婦上箋儀與永樂同。頒詔之次日。

命婦行見中官禮。

冊妃禮

洪武三年五月冊孫氏爲貴妃。吳氏爲充妃。郭氏爲惠妃。郭氏爲寧妃。達氏爲定妃。胡氏爲順妃。其儀皇妃服九疋四鳳冠。翟衣九等。車輅用厭翟車。冊用鎧金銀冊二片。冊盒飾以淳金灑粉蟠鳳印。用金龜經。其尺寸與諸王寶同。文曰皇妃之印。匣皆飾以蟠鳳。前期一日禮部官奉冊印進入。置于謹身殿御座寶案之前。冊東印西。侍儀司設冊禮使受制位于橫街南。副使位于其西。俱北面設承制

官奉節官奉冊官奉印官位于副使之東北西向設使副受冊受印禪位冊使受冊副使受印設典儀二人傳贊二人贊禮二人東西向所司置龍亭于奉天門外內使監令設使副位于內宮門外北向東上設內使監令位于冊使東北西向設贊者二人設冊印案設妃受冊位于庭中北向設冊印案設內命婦諸親賀位又設妃受賀位于宮中南向設內贊二人位于妃受冊位北設引禮二人位于南質明文武百官朝服序立于奉天殿丹墀贊引導使副公服入北面立承制官奉節官奉冊官

奉印官及掌節者皆入詣謹身殿外北向立俟內官傳旨掌節者持節執事者舉案以行至橫街南以案置于使副受冊褥位之北冊東印西各就位西向立典儀贊使副皆再拜承制官詣前曰有制使副跪承副官宣制訖復位使副再拜奉節官率掌節持節行禮宣制訖復位使副再拜奉節官率掌節者持節詣冊使前以節授奉節官奉節官以授冊使冊使以授掌節者掌節者受節立于冊使左退復位贊禮贊冊使詣受冊褥位立奉冊官取冊冊使跪受冊與置于案退復位副使詣褥位北向立

奉印官取印副使跪受印典置于案復位典儀傳  
贊贊使副再拜執事者舉冊印案出奉天門外奉  
冊奉印官以置龍亭中持節者前導儀衛鼓吹以  
次出百官退冊印將至內宮門外內使請妃服花  
釵翟衣出閣南向立冊印至權置于門外案使副  
及內使監令各就位立次冊使告內使監令曰冊  
禮使其副使其奉制授某妃冊印退復位內使監  
令入告妃出復位內命婦諸親俱入冊使以冊授  
內使監令內使監令以授內執事執事者奉冊印以  
使監令內使監令以授內執事執事者奉冊印以

次入詣妃受冊位前各置于案妃降詣庭中內使監令曰有制妃四拜宣制執事者以冊授內使監令跪讀冊以授妃妃跪受以授內執事執事者以印授妃妃跪受以授內執事妃四拜內使監令出詣使副前曰妃受冊印禮畢使副還復命妃升階就位南向坐內命婦諸親以次賀如常儀禮畢內使監令導妃謝

皇帝

皇后並如中官之儀

永樂七年續定

上御華蓋殿具皮弁服鴻臚寺官請陞殿文武百官朝服正副使入班就拜位。贊四經典。每制官奉傳制。備伏興執事官舉節冊。樂奏。陪左門出御道中。傳制官由左門出。傳補正副使西拜禮畢。執事官舉節冊案。由御道東出。張黃蓋送至奉天門外。鼓樂迎至右順門外。正副使北向立。內官奉節冊正門入。迎至各皇妃宮中。節冊將至皇妃具禮服。出迎于宮門外。節冊至皇妃。隨至拜位。內官以節冊各置于案。內贊贊四拜。贊宣冊。贊跪。女官奉冊立宣于皇妃之左。宣畢。贊指主。贊受冊。女官授皇妃。

皇妃以授女官。女官授于皇妃之右。贊興內贊。贊四拜禮畢。內官持節出。皇妃送出宮門外。內官出報正副使曰。禮畢是日。

上具服。皇妃各具禮服。

上率請奉先殿行謁告禮如常儀畢。皇妃各具妃服。女官導詣。

上前行八拜禮畢回宮。引禮一人女官二人導皇妃陞座。引禮先導長公主。公主各親王妃四拜。次引郡王妃。郡主。輔國將軍夫人四拜。次導六尚等女。又次導四品以上命婦俱四拜。

宣德元年五月甲午朔以賜貴妃孫氏寶命禮部定儀擇日以聞

上諭行在禮部臣曰貴妃恭肅小心事

皇太后孝敬奉順

皇后 后屢請褒異之禮部尚書胡濱等曰貴妃  
后之副貳賢淑如此宜授以寶以昭其德

上是之己亥御奉天門遣使傳制授冊授寶並如永

樂冊妃儀

成化二十二年冊貴妃有寶先贊受冊後贊授寶冊  
德妃無寶止贊授冊謁告奉先殿後詣

皇太后前行八拜禮次至內殿候

上服皮弁服

皇后具燕居服同陞座女官導妃詣前行八拜禮  
嘉靖二十年二月甲申封德妃張氏是時妃將就室  
上諭禮部尚書嚴嵩以二十七日命官告

廟發冊嵩會閣臣議

上方靜理若御殿傳制致詞稱賀恐勞

聖躬又妃方在祥謁告內殿遠涉車輿恐非所宜當  
從奉天門發節妃具服迎送節冊及謝恩行禮皆  
如故儀

上從之命翊國公郭勣祭告

內殿成國公朱希忠爲正使持節大學士瞿鑾爲副使捧冊行禮詔勣等行禮發冊仍于奉天殿

冊嬪禮

嘉靖十年二月

上諭大學士張璁曰朕奉

章聖慈仁皇太后慈訓于淑女三十人內擇九人以充九嬪其諭禮官具儀于是禮部尚書李時等言皇上以宗祀之重擇貞淑備九嬪宜定典禮以示天下然會典諸書惟載后妃禮儀嬪御以下皆缺及

考唐制貴妃淑妃德妃賢妃正一品昭儀昭容昭媛修儀修容修媛充儀充容充媛九嬪正二品皆遣使冊命則唐以前九嬪之禮甚重本朝無冊嬪儀禮始今日竊擬冊妃儀注量爲降殺先期內府造九翟冠鞠衣如皇妃制圭用次玉殼文銀冊少殺于皇妃五分之一以金飾之正副使各二前一日鴻臚寺設節冊案于奉天殿節左冊右設綵輿設中和韶樂及大樂設儀仗如朔望儀是日內官設九嬪受冊位于宮內至期

上具袞冕服以告

太廟

世廟如儀易皮弁服陞殿文武百官紅錦繡入班正副使具公服其傳制併舉節冊至九嬪宮中九嬪出迎于宮門外隨至拜位女官宣冊九嬪受冊先後入拜送節出宮門復命併如冊妃儀是日九嬪各具服候

皇后率詣奉先殿奉慈殿崇先殿行謁告禮謁內殿畢詣

昭聖康惠慈壽皇太后前

章聖慈仁皇太后前

莊肅皇后前俱八拜候

上服皮弁服

皇后亦具服各陞座。九嬪八拜還官。

上曰。告廟用香帛脯醢果酒。捧主官如故。正副使并執事官令具服行禮。百官公服侍班。餘如擬。三月初二日冊淑女方氏爲德嬪。鄭氏爲賢嬪。王氏爲莊嬪。閻氏爲麗嬪。韋氏爲惠嬪。沈氏爲安嬪。盧氏爲和嬪。沈氏爲僖嬪。杜氏爲康嬪。

論曰。三代以前稱妃稱王后。不聞冊立之禮。漢儀可考者僅有靈帝立宋美人爲皇后。御章德殿命

太尉持節奉璽綬北面稱臣妾采之前聞也。至晉而始臨軒發冊。至唐而先奏告天地宗廟。宋初惟用制書。元則皇后至大明殿謝恩陞座與帝並坐受丞相等賀。右丞相祝皇帝皇后壽。國初先期奏告天地宗廟至日。

皇后受冊宮中。永樂始頒詔而嘉靖又詳謁廟之儀。洪武時皇后而下有六妃貴妃與之等。至宣德立孫貴妃始用寶。至成化封萬貴妃而始稱皇蓋。非洪武之舊矣。

皇明典禮志卷之五終